



CAPUT PRIMUM.

De nomine Chymia.

In Sophista.

Ait Plato, nasci hominem, duobus vitijs grauiter onustum, **C**oncupiscentia & Inscititia. Illa in primis Deum offendit, hac seipsum; ambabus vitam humanam misere præcipitat. Vtrunque exuere conatur: alterum quidē ad eum reuersus, qui potis est naturā hærentem animi labem cœlesti hyssopo emūdare: cum regio Psal te piè exclamans,

*Psal. 51.
vers. 10.*

*Cor mihi rectum, scelerisq; purum
O'potens rerum genitor refinge,
Spiritum firmum renoua nouata*

Cordis in aula:

alterum, si rei ignotæ, singula, quæ se obijciunt, momenta, rationis rectæ lumine prouidè examinârit. Quando igitur his ipsis miserijs penitus immersi, ad rei propositæ συζήτησιν, ineptos nos iure merito agnoscimus: primo omniū τῷ τῶν ἔαων διωτῆς, ingeniorum & omnis boni largitori supplicia vota fundimus, vt volūtati eius sint accommodata verba

*Psal. 19.
vers. 14.*